

Andern fabeln auserhalb esopi. Das xxxij blatt.  
wolf der wider sein natur wolt wein trincken dar vmb er sterben müst.

Die xi fabel von einem vater vnd dreien sunen



An spndet vil der hadetmä die on vsach vmb vppi  
ge ding die richtern beküern darumb sy on ende  
vonn dannen scheident dar von hör disse fabel  
¶ Eyn vatter het dzy sun als er aber gestarb ver  
ließ er inen zeerb ein pirbaum einen bock vnd eyn  
mül Die sun wurdent vneins in der teilung des er  
bes vnd kamen für den richter vnnnd sprachen her  
richter hör vns vnser vatter ist gestorben vnd hat  
vns zeerb verlassen alles sein güc mit dem geding das wir das geleich  
teilen solten Der richter fraget was das erb were Sy sprachent eyn pic  
baum eyn bock vnnnd eyn müle / Wie hat er beuollen denn baum zeteilen  
sprach der richter Do sprachen sy also das keiner men hab wan der an  
der Do sprach der richter so sagent euwer meinung / Do sprach der el  
tst bruder So nim ich von dem baum alles das krump od schlecht ist  
Der ander sprach so nim ich alles dure od dz grün ist Do sprach der drit  
so nem ich all wurtzen vnd den stā mit allen estē / Do sprach der richter  
welcher dan vnder euch allen dreien warlich gesagen kan das ein teyle  
besser sei dan der ander der sol den baum gantz haben Aber den bock ze  
teilen wie ist euwers vatters meinung gewessen sy sprachen sein wil ist  
gewessen das er das solte seyn der in grösser wunschet / Do sprach der  
erst bruder wolt got das der bock so groß wer das er das gantz mer vnd  
alles das wasser vnder dem hymel auß mocht trincken vñ nicht halb ge  
nüg het Do sprach der ander ich gedenck er sol meyn werden wann ich  
wil in grösser wunschen wann ich wolt das er so groß wer das in ein fa  
den nicht vmb gurten möcht der auß alle flaschs hanf vñ wollē vnd allē  
dem dar auß man spinnen mag gespunnen wer Do sprach der drit ich ge  
denck der bock werd mein wan ich wolt das der bock so so groß wer wan  
eyn adler aufflug gen hymel vnnnd die fier ort der welt vmb sahe das er  
dan die höh dick vnd breity des bockes nicht möcht vbersehen / Do  
sprach der richter Ich kan nit gesagen welcher in dē grössern geschetz  
hat Ob aber euwer einer das warlichen gesagen kann des sol der bock  
gantz sein doch sagen was ist sein meinung mit der müle gewessen / Do  
sprachen sy sein lester wil ist gewessen das der die müle habenn solt der  
von den freunden vnnnd magen der größte lügner wurd erkennet / Do  
k. iij